

2020-imut aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerneqarneranut

ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Peter Olsen, Inuit Ataqatigiit, siulittaasup tullia
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Karl Kristian Kruse, Siumut
Inatsisartunut ilaasortaq Múte Bourup Egede, Inuit Ataqatigiit
Inatsisartunut ilaasortaq Henrik Fleischer, Siumut
Inatsisartunut ilaasortaq Jens Napaattoq, Partii Naleraq

Ulloq 24. september 2019-imi siullermeerinninnerup kingorna ataatsimiititaliap siunnersuut misissorpaa.

Imarisai:

1. Aallaqqaasiut3	
1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	3
1.2 Ataatsimoortumik tullerriiaarisarnissamik tunngavik	3
1.3 Naalakkersuisut iluarsartuusseqqinnerit suliniutillu pingaartitaat	4
2. Naalakkersuisut allannguutissatut siunnersuutaat	4
2.1 Aningaasaqarnermut Ataatsimiititaliap ataatsimut isigalugu isummernera	5
3. Aningaasaqarnermut Ataatsimiititaliap apeqqutai/oqaaseqaatai aalajangersimasut suliassaqaarfinnut agguataarlugit	– 6
4. Aningaasaliissutinut allannguutissatut siunnersuutit	6
4.1. Sammisag 1 – Teknikikkut allannguutit	7
4.2. Sammisag 2 – Missingersuutinut sunniuteqanngitsumik allannguutit	7
4.3. Sammisag 3 – Isertitassatut missingiutit nutaat kiisalu inatsisit naapertorlugit aningaasaliissutissanut missingiutit nutaat	8
4.4. Sammisag 4 – Aningaasartuutaanerusut	9
4.5. Sammisag 5 – Pisariillisaaneq suliniut, ERP	10
5. Oqaasertaliussanut allannguutissatut siunnersuutit	11
5.1 Naalakkersuisut oqaasertaliussanut allannguutissatut siunnersuutaat	11
6. Aningaasaqarnermut Ataatsimiititaliap inassuteqaatai	12

Ilanngussanut takussutissiaq:

- A. Aningaasaqarnermut Ataatsimiititaliap 13. september 2019-imi Naalakkersuisunut apeqqutai.
- B. Aningaasaqarnermut Ataatsimiititaliap apeqqutaanut Naalakkersuisut 22. oktober 2019-imi akissutaat, tak. ilanngussaq A.
- C. Naalakkersuisut aningaasaliissutinut allannguutissatut siunnersuutaat 25. oktober 2019-imeersut. (Allannguutissatut siunnersuutit nr. 1-50).
- D. Naalakkersuisut oqaasertaliussanut allannguutissatut siunnersuutaat 25. oktober 2019-imeersut. (Allannguutissatut siunnersuutit nr. 51-62).
- E. Aningaasaqarnermut Nunanilu Avannarlerni suleqatigiinnermut Naalakkersuisumik isumasioqatigiinneq.

1. Aallaqqaasiut

2020-imi aningaasanut inatsisissatut siunnersuut Inatsisartunit ulloq 24. september 2019-imi siullermeerneqarpoq. Inatsisartut Naalakkersuisullu pillugit inatsimmi § 16, imm. 1 naapertorlugu aningaasanut inatsisissatut siunnersuutip siullermeerneqarnerata aappasaaneerneqarneratalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Aningaasanut inatsisissatut siunnersuut Ilulissani 26.-30. juli 2019-imi missingersuutit pillugit isumasioqatigiinnermi ataatsimiititaliamit misissorneqarpoq. Aningaasanut inatsisissatut siunnersuummik misissuinini suliarinninninilu tunngavigalugit apeqqutini oqaaseqaatinilu Naalakkersuisunut ulloq 13. september 2019-imi allagaqarnermigut ataatsimiititaliap nassiuppai. Ilanngussaq A innersuussutigineqarpoq. Ataatsimiititaliap apeqqutaanut Naalakkersuisut 22. oktoberimi akissutaat pillugit ilanngussaq B innersuussutigineqarpoq.

Aningaasanut inatsisissatut siunnersuummik Inatsisartut siullermeerinninnerat tunngavigalugu Naalakkersuisut ulloq 25. oktober 2019-imi allannguutissatut siunnersuutit 62-it Aningaasaqarnermut Ataatsimiititaliamut nassiuppaat. *Aningaasaliissutinut* taamatullu *oqaasertaliussanut* allannguutissatut siunnersuuteqartoqarpoq. Allannguutissatut siunnersuutit isumaliutissiissummut ilanngussaq C-tut aamma D-tut ilanngunneqarput.

Inatsisartut aningaasanut inatsisissatut siunnersuummik aappasaaneerinninnissaanut ataatsimiititaliaq matumuuna isumaliutissiissuteqarpoq.

1.1 Aningaasanut inatsisissatut siunnersuutip ilusiligaanera aningaasaliisarnermilu male-ruagassat

Aningaasanut inatsisissatut siunnersuutip ilusiligaanera missingersuutit pillugit inatsimmi nutaami kapitali 4-mi pingaarnertigut aalajangersarneqarpoq. Naalakkersuisut aningaasanut inatsisissatut siunnersuutip suliarineqarnissaanut aaqjissuunneqarnissaanullu malittarisassaliorsinnaasut § 13, imm. 1-imi allassimavoq. Malitsit nalunaarutinik attuumassuteqartunik suliaqarneq sulii ingerlasoq ataatsimiititaliamit maluginiarneqarpoq. Inatsimmi nutaami kapitali 3-mi aningaasaliisarnermi tunngaviit pillugit aalajangersakkat inatsisaasimasumi aalajangersakkat aamma assigaat.

1.2 Ataatsimoortumik tullerriiarnissamik tunngavik

Ataatsimoortumik pingaarnersiulluni tullerriiarnissamik periuseqarneq aningaasaqarnitta pilersaarusiorneqarnerani pingaarnertut tunngaviuvoq. Aningaasaqarnerup naalakkersuinikkut suliaqartunit paasineqarsinnaanissaata anguniarneqarnissaa aallaavigalugu aammalu siamasissumik tullerriiarnissap qulakkeerneqarnissaa periarfissaqaqqullugu tunngavik tamanna qitiullunnarpoq. Aningaasaqarnitta pilersaarusiornera paasilertoruminartumik ingerlallugulu inuiaqatigiit aningaasatigut pisinnaasaannut naleqqussakkamik aningaasartuutit aqutsivigisinnaassagutsigit periuseq taanna aalajangiusimasariaqarparput. Aningaasanut inatsit Inatsisartunit, aningaasaliisarnermut oqartussaasuusunit aammalu aningaasaliissutit atornerarannik nakkutilliisuusunit, akuersissutigineqartarpoq. Ukiumoortumik pingaarnersiulluni tullerriiarnissamik kingusinnerusukkat ilassutit aningaasaliissuteqarnikkut aalajangiisuusumik allanngortinneqaqqusaanngilaq. Siumoortumik aningaasaliissuteqartoqarsimatinnagu aningaasaliissuteqartoqarsinnaanngilaq. Taamaattumillu ili-

uusissaq aningaasanut inatsimmi inatsisiniluunniit allani tunngavissinneqarsimatinnagu iliuusisap piviusunngortinneqarnissaa sioqqullugu aningaasaliissutitigut tunngavissaq pissarsiarineqaqqaassaaq.

1.3 Naalakkersuisut iluarsartuusseqqinnerit suliniutillu pingaartitaat

Aningaasanut inatsisissatut siunnersuummut nalinginnaasumik nassuiaatini immikkoortoq 4-mi iluarsartuusseqqinnerit suliniutillu Naalakkersuisunit pingaartinneqartut arlallit Naalakkersuisunit nalunaarsorneqarput.

Aningaasaqarnikkut attanneqarsinnaasumik siunissami ineriartortitsinissaq aalajangiisuusumik pingaaruteqartoq Aningaasaqarnermut Akileraartarnermullu Ataatsimiititaliaq isumaqarpoq. Aningaasaqarnikkut anguniakkat attanneqarsinnaanngippata aningaasaqarnikkut isertitat malillugit pisortat atugarissaarnissamut tunniuttagaat qaffakkiartorsinnaanngillat. Attassisinnaanermut siuariartortitsinissamullu pilersaarummi anguniakkat siunertallu amerlasuut qitiutillugit aningaasanut inatsimmik suliaqarneq naleqqussarneqassappat aningaasaqarnikkut anguniakkat pillugit naalakkersuinikkut ukiumoortumik isumaqatigiinniarnert aalajangiisuullutillu qitiussasut ataatsimiititaliaq isumaqarpoq. Attassisinnaanermut siuariartortitsinissamullu pilersaarummik malitseqartitsinerup annertunerusumillu erseqqissaanerup qitiutillugit qanoq salliutinneqalersaarnerannik Naalakkersuisut erseqqinnerusumik oqariartuutissaat ataatsimiititaliamit tusarusunneqarput.

2. Naalakkersuisut allannguutissatut siunnersuutaat

Naalakkersuisut allannguutissatut siunnersuutaannut Aningaasaqarnermut Ataatsimiititaliap inasuteqaatai isumaliutissiissummi matumani immikkoortuni 4-6-imi takuneqarsinnaapput.

Aningaasanut inatsisissatut siunnersuut una akuerineqassappat 2020-imi IST-mi 16,1 mio. kr.-inik sinneqartooruteqarnissaq missingersuutigineqarpoq. Ingerlatsineq Sanaartornerlu (IS) immikkut isigigaanni 2020-imi 6,6 mio. kr.-inik sinneqartooruteqartoqassaaq. AIS 2020 aningaasanut inatsiseqarfiusumi tamarmi IS-mi katillugit 1,8 mio. kr.-inik sinneqartoorfiuvoq aammalu aningaasanut inatsiseqarfiusumi tamarmi IST-mi katillugit 38,3 mio. kr.-inik sinneqartoorfiulluni.

Aningaasat mio. kr.-inngorlugit.	2020	2021	2022	2023
AIS2020-imi IST-p inernera	-16,1	-2,2	-19,6	3,6
AIS2020-imi IS-ip inernera	-6,6	8,0	-9,6	6,4
Aappassaaneerinninnissamut allannguutissatut siunnersuutit:				
IST-p inerneranut sunniutissat	19,7	16,3	18,2	18,2
IS-p inerneranut sunniutissat	19,7	16,3	18,2	18,2
Aappassaaneerinninnissamut IST-p inernera	3,6	14,1	-1,4	14,6
Aappassaaneerinninnissamut IS-p inernera	13,1	24,3	8,6	24,6

Tamatuma kingorna allannguutissatut siunnersuutit aappassaaneerinninnissamut saqqummiunneqarnermittut akuerineqassappata 2020-mut aningaasanut inatsisip inernera tassaassaaq **IST-mi 3,6 mio. kr.-inik amigartooruteqarneq aammalu IS-imi 13,1 mio. kr.-inik amigartooruteqarneq**. Piffissaq aningaasanut inatsiseqarfiusoq 2020-2023 tamaat isigissagaanni IS-imi

amigartoorutit tamarmiusut 70,6 mio. kr.-iussapput. Piffissaq aningaasanut inatsiseqarfiusoq 2020-2023 tamaat isigissagaanni IST-mi amigartoorutit tamarmiusut 30,9 mio. kr.-iussapput. Pingajussaaneerinninnermut atatillugu allannguutissatut siunnersuutit inernernik taakkuninnga allanngortitsissasut Naalakkersuisunit nalunaarutigineqarpoq. Tamatumani Inatsisartuni suut akuersissutigineqarnersut, kiisalu partiit Naalakkersuisullu aningaasanut inatsit pillugu isumaqatigiinniarnerminni aalajangiussaata allat tunuliaqutarineqartut apeqqutaajumaarput. Taamataaq AIS2020-mi konto pingaarneq 20.11.56 Missingersuutini iluarsineq, allaffissorneq ilanngaataasuni missingersuutini 2020-mi 37,5 mio. kr.-usut, 2022-mi 47,5 mio. kr.-nik qaffattussatut ilaatinneqarput. Ilanngaataasumik missingersuutit taakku AIS 2020-p pingajussaaneerineqarnerani atuuttussanngortinneqarnissaat naatsorsuutigineqarpoq.

2.1 Aningaasaqarnermut Ataatsimiititaliap ataatsimut isigalugu isummernera

Naalakkersuisut aappassaaneerinninnissamut allannguutissatut siunnersuutaasa amerlanerpaartaasa akuersissutigineqarnissaat Aningaasaqarnermut Ataatsimiititaliamit inassutigineqarpoq. Siunnersuutip pingajussaaneerineqarnissaanut allannguutissatut siunnersuutini allanngortitsissasut taakku saqqummiussinissaq Naalakkersuisut naatsorsuutigaat. Naalakkersuisulli allannguutissatut siunnersuutaasa ilaannut isummerfiginninnissani ataatsimiititaliap kinguartittariaqarsimavaa.

Kiisalu ataatsimiititaliap apeqqutaanut Naalakkersuisut akissutaasa imaluunniit Naalakkersuisut allannguutissatut siunnersuutaasa sukumiisumik suliarineqarnissaanut naammattumik piffissaqarsimangitsut ataatsimiititaliap misigivoq. Akissuteqarnissamut piffissaliusseqqatut 18-inik qaangerneqareersoq Naalakkersuisut akissutaat ataatsimiititaliamit tiguneqarput. Taamaattumillu aappassaaneerinninnissap ulloq 5. novemberimut kinguartinneqarnissaa ataatsimiititaliamit Siulittaasoqarfimmu qinnutigineqartariaqarsimavoq, tamatumali kingunerilugu siunnersuutip pingajussaaneerineqarnissaanut isumaliutissiissutissaminik piareersaanissaminut ataatsimiititaliap suli piffissakinnerulernera. Tamanna ataatsimiititaliamit assut ajuusaarnartinneqarpoq.

Naalakkersuisut aappassaaneerinninnissamut allannguutissatut siunnersuutaasa nassataannik piffissamut aningaasanut inatsiseqarfiusumut tamarmut IS-imi katillugit 70,6 mio. kr.-inik amigartooruteqarnissap Naalakkersuisunit naatsorsuutigineqarnera eqqarsaatigalugu pingajussaaneerinninnissaq sioqqullugu suliaasaqaaluttoq ataatsimiititaliamit takuneqarsinnaavoq. Tamatumunnga taperseeqataanissani ataatsimiititaliap qilanaaraa, takusinnaalluguli siunnersuutip pingajussaaneerineqarnissaanut Naalakkersuisut allannguutissatut siunnersuutaasa misissornissaanut naammattumik piffissaqarnissaq ajornakusoorsinnaasoq.

Ajornartorsiut tamanna immikkut eqqumaffigniaqqullugu Naalakkersuisut ataatsimiititaliamit kaammattorneqarput.

Kiisalu ataatsimoortumik tapiissutit pillugit Naalakkersuisut kommunitut isumaqatigiinniar-nissaat pilersaarutaasut suli ingerlanneqarsimasorinangitsut ataatsimiititaliamit oqaatigineqassaaq. Taamaattumillu isumaqatigiinniarnert taakku kingunerisassaata siunnersuutip matuma pingajussaaneerineqalernerata tungaanut ataatsimiititaliamit utaqineqartariaqarput. Aningaasanut inatsisit ukiumoortut kommunit aningaasaqarnerannut aammalu ukiumut tullermut ingerlata-saanut pilersaarutaasunut assorsuaq pingaaruteqarmata ataatsimiititaliap Naalakkersuisunut eqqaasitsissutigissavaa. Taamaattumillu Naalakkersuisut ataatsimiititaliamit kaammattorneqarput isumaqatigiinniarnert piarnerpaamik naammassiniaqqullugit, taakkulu inerneri siunnersuummut matumunnga ilannguteqqullugit. Isumaqatigiinniarnert kissaatinik piumasqaatinillu illuatun-geriit akornanni naligiittumik paarlaasseqatigiinnikkut aammalu suut isumaqatigiinniutigineri isumaqatigiinniarnertillu qanoq ingerlanissaata ersarissumik ingerlanneqartut ataatsimiititaliamit naatsorsuutigineqarpoq. Tamanna isumaqatigiinniarnert illuatungeriinnut tamanut toqqissisima-nartumik ingerlasinnaanissaanut peqataaqataasinnaavoq.

3. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassaqarfinnut agguataarlugit

Isumaliutissiisummi ilanngussat A aamma B ataatsimiititaliap Naalakkersuisunut aallarniutigalugu apeqqutaanik Naalakkersuisullu akissutaannik imaqtut, aallarniutigalugit innersuusstigineqassapput.

Aallarniutit Naalakkersuisunut apeqqutini Naalakkersuisullu akissutaat Aningaasaqarnermut Ataatsimiititaliap Inatsisartut ataatsimiititaliaannut ilisimatitsissutigai Aningaasanut inatsit pillugu Aningaasaqarnermut Akileraartarnermullu Ataatsimiititaliaq aqutigalugu ataatsimiititalianit kissaatigineqarsinnaasut apeqqutigerusunneqarsinnaasullu piffissartornarsinnaammata Naalakkersuisunut eqqumaffigeqquneqassaaq. Aningaasaqarnermut Akileraartarnermullu Ataatsimiititaliamut ukioq manna atugassarititat imaapput apeqqutit malitseqartitsissutaasut siunnersuummik aappasaaneerinninnissaq sioqqullugu akineqarsinnaasut tamatuma kingornanut kinguartinneqartariaqarnerat.

4. Aningaasaliissutitut allannguutissatut siunnersuutit

Immikkoortoq 1-imi taaneqartutut aningaasanut inatsisissatut siunnersuummut allannguutissatut siunnersuutitut 62-inik Naalakkersuisut saqqummiussipput. Taakkunannga 50-it aningaasaliissutitut allannguutissatut siunnersuutaapput 12-illu oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiisuttip immikkoortuini 4-mi 5-imilu sammeneqarput.

Aningaasaliissutitut allannguutissatut siunnersuutit sammisanut ukununnga immikkoortinneqarsimapput:

- sammisaq 1 Teknikikkut allannguutit
- sammisaq 2 Missingersuutitut sunnuteqanngitsumik allannguutit
- sammisaq 3 Isertitassatut missingiutit nutaat kiisalu inatsisit naapertorlugit aningaasaliissutissanut missingiutit nutaat
- sammisaq 4 Aningaasartuutaanerusut
- sammisaq 5 Pisariillisaaneq suliniut, ERP

Aningaasaliissutitut allannguutissatut siunnersuutit nr. 1-imit nr. 50-imut *normulersugaapput*.

Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutitut takussutissiimi* allasimapput; *ilanngussaq 1*. Aningaasaliissutitut takussutissiit Naalakkersuisut aningaasaliissutitut allannguutissatut siunnersuutaannut saarlinnqorlugit ilanngunneqarput, taakkulu isumaliutissiisummut ilanngussaq C-tut ilanngunneqarput.

Oqaasertaliussanut allannguutissatut siunnersuutit 12-iupput. Taakku nr. 51-imit nr. 62-imut *normulersugaapput*. Oqaasertaliussanut tunngatillugu normuliuqqortoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku isumaliutissiisummut ilanngussaq D-p ataani ilanngunneqarput.

Ulloq 1. november 2019-imi siunnersuutit ataatsimiititaliaq Naalakkersuisunut arlalinni apeqquteqarpoq. Siunnersuutit aggeqqusissut Naalakkersuisullu akissutaat ilanngussaq E-tut

ilanngunneqarput. Siunersiunerimi malitseqartitsissutinik apeqquteqartarnejq nalinginnaavoq. Taamatut pisuni arlalinni allakkatigut akissutinik kingusinnerusukkut nassiussinissaq Naalakkersuisunit kissaatigineqarpoq. Tamanna ataatsimiititaliamit paasinnittumik pissuseqarfigineqarpoq. Tamatuma kingunerivaa allannguutissatut siunnersuutitut kalluarneqartunut isummernissani ataatsimiititaliap kinguartittariaqarmagu.

4.1. Sammisag 1 – Teknikikkut allannguutit

Qulequttami tassani allannguutissatut siunnersuutitut 30-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiortifiusuni ataatsimut isigalugu IST-mut sunniteqassanngillat.

Sanaartornermut immikkoortumi ilassutitut aningaasaliissutit kingulliit akuerineqarnerisa kingunerisaannik allannguutissatut siunnersuummik saqqummiussisoqassaaq. Tamatuma 2020-mi 2021-lu konto pingaarnermi 83.30.13 Nuna tamakkerlugu paaqqinniffiit Ilulissani innarluutilinnut ulloq unnuarlu angerlarsimaffimmut Sungiusarfik Ikinngummut nutaamik illuliornerup naammassineqarnissaanut 20,8 mio. kr.-t atungassanngortinneqartussatut qinnutigineqarnissaat malitsigaa. Aningaasat atugassanngortinneqarneranni 2019-milu septembarimi ilassutitut aningaasaliissutikkut akuerineqartukkut suliniummut katillugit 56,4 mio. kr.-t immikkoortinneqarput. Taamattaq konto pingarneq 87.75.01 Pinngortitaleriffimmut angallat nutaaq Aningaasaqarnermut Akileraartarnermullu Ataatsimiititaliap angallamut misissuummut nutaamut ilassutitut aningasaliissutinik 20 mio. kr.-nik akuersinera tunuliaqutaralugu missingersuutitut tapiliut aaqqinneqassasoq qinnutigineqarpoq. Ilassutitut akuersissutigineqartukkut 2020-milu suliniummut 47 mio. kr.-nik immikkoortitigut suliniummut katillugit 220 mio. kr.-t aningaasaliissutaapput. Taamaalillunilu aningaasalersuineq tamarmiusoq inissippoq.

Siunersiunerimi ataatsimiititaliap oqaatigalugu malitsitut apeqqutaanut allakkatigut akissutinik kingusinnerusukkut nassiussinissaq Naalakkersuisunit kissaatigineqarpoq. Tamatuma tungaanut allannguutissatut siunnersuutitut nr. 23-mut, 25-mut, 28-mut kiisalu 30-mut isummernissani ataatsimiititaliap pingajussaaneerinninnissamat kinguartippaa. (Allannguutissatut siunnersuut nr. 23, 25, 28 kiisalu 30).

Allannguutissatut siunnersuutit ataasiakkaat sinneritut Aningaasaqarnermut Ataatsimiititaliap ilassutitut oqaaseqaatissaqanngilaq.

Allannguutissatut siunnersuutitut nr. 23-mut, 25-mut, 28-mut kiisalu 30-mut isummernissani Aningaasaqarnermut Ataatsimiititaliap aningaasanut inatsisissatut siunnersuutit pingajussaanerineqarnissaanut **kinguartippaa**.

Sammisag 1-ip ataani allannguutissatut siunnersuutit nr. 1-22, 24, 26, 27 aamma 29 **akuerineqassat** Aningaasaqarnermut Ataatsimiititaliamit **inassutigineqarpoq**.

4.2. Sammisag 2 – Missingersuutitut sunniteqanngitsumik allannguutit

Qulequttami tassani allannguutissatut siunnersuutitut 14-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiortifiusuni ataatsimut isigalugu IST-mut sunniteqassanngillat.

Sammisaq 2: Missingersuutitut sunniuteqanngitsumik allannguinerit immikkoortuni arlalinni missingersuutitut sunniuteqanngitsumik allannguinnissat qinnutigineqarput. Tamatumani ilaatigut konto pingaarnermi 20.11.70 Suliniutitut nutaanut sullimmatit ataanni inuit innarluutillit pillugit inatsimmut nutaamut aningaasat immikkoortinneqartut sinnerisa atugassanngortinneqarnerannut tunngavoq. Aningaasat konto pingaarneq 20.05.20 Kommuninut ataatsimoortumik tapiisutit ilassutigineqassapput, taamaaliornikkullu kommunit 2020-mi 25,5 mio. kr.-nik inuit innarluutillit pillugit inatsimmut nutaamut matussusiivigineqassapput.

Taamattaq konto pingaarneq 20.11.70 Suliniutitut nutaanut sillimmatit suliniummut "Ilaqutariit atugaannik pitsanngorsaaneq" 4,1 mio. kr.-t, konto pingaarneq 30.01.02 Isumaginninnermut aamma peqqissutsimut tunngasutigut pitsaaliuinnermut Aqutsisoqarfik, pingaarnertut meeqqat kinguaassiutitigut atonerlunneqarnerannik il. il. suliani annertunerusuni kommuninut ikiuiguasuartunut atugassanngortinneqarnissaat qinnutigineqarpoq. Taamattaq aningaasat suliniummut Tusaannga atorneqassapput, tassani paasititsiniaanerit, ammasarfiit sivitsornerat, kiisalu Tunumi Tusaanngamik pilersitsinissat ilanngullugit.

Taamattaq Center for Arktisk Teknologi (Artek) aningaasaliissutit kontumut pingaarnermut nutaamut 40.91.09 Center for Arktisk Teknologi nuunneqarnissaat qinnutigineqarpoq. Taamaaliornikkut aningaasaliissutit ingerlatsinermi aningaasaliissutit tapiissutit aningaasaliissutitut nuunneqarnissaat qinnutigineqarpoq. Tamanna Center for Arktisk Teknologip Danmarkimi DTU-mit ingerlanneqarnera pissutigalugu aningaasaliissutit tapiissutit aningaasaliissutit pinissaata naapertuunnererata kinguneranik pissaq.

Siunnersiuinermi ataatsimiititaliap oqaatigalugu malitsit apeqqutaanut allakkatigut akissutinik kingusinnerusukkat nassiussinissaq Naalakkersuisunit kissaatigineqarpoq. Tamatuma tungaanut allannguutissatut siunnersuutitut nr. 41-mit 44-mut isummernissani ataatsimiititaliap pingajussaaneerinninnissamut kinguartippaa. (Allannguutissatut siunnersuut nr. 41-mit 44-mut).

Allannguutissatut siunnersuutit ataasiakkaat sinnerinut Aningaasaqarnermut Ataatsimiititaliap ilassutit oqaaseqaatissaqanngilaq.

Allannguutissatut siunnersuutitut nr. 41-mit 44-mut isummernissani Aningaasaqarnermut Ataatsimiititaliap aningaasanut inatsisissatut siunnersuutit pingajussaaneerineqarnissaanut **kinguartippaa**.

Sammisaq 2-p ataani allannguutissatut siunnersuutit nr. 31-mit 40-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

4.3. Sammisaq 3 – Isertitassatut missingiutit nutaat kiisalu inatsisit naapertorlugit aningaasaliissutissanut missingiutit nutaat

Qulequttami tassani allannguutissatut siunnersuummik 1-mik Naalakkersuisut saqqummiussipput. Allannguutissatut siunnersuut taanna aningaasanut inatsiseqarfimmi 2020-2023-imi IST-p inerneranut ukiumut 8 mio. kr.-inik ajorseriaataassaaq.

Sammisaq 3: Isertitassatut missingiutit nutaat kiisalu inatsisit tunngavigalugit aningaasartuutissanut missingiutit nutaat ataanni konto pingaarnermut 72.10.16 Inissiat attartortittakkat

ingerlanneqarnerat, aningaasaliissutinit iluanaarutit allannguutissatut siunnersuummik saqqummiussisoqarpoq. Allannguutissatut siunnersuutip piffissami 2020-mit 2023-mut aningaasanut inatsiliorfiusumi IST-p inernissaatut missingersuutigineqartoq 8 mio. kr.-nik ajorseriartissavaa. AIS2020-mi tunngavigineqartumit inissianut inoqanngitsunut aningaasartuutit annertunerunissaannik ilimagisaqarnerup malitsigisaanik allannguutissatut siunnersuut saqqummiunneqarpoq.

Siunersiunermit ataatsimiititaliap oqaatigalugu malitsitut apeqqutaanut allakkatigut akissutinik kingusinnerusukkut nassiussinissaq Naalakkersuisunit kissaatigineqarpoq.

Tamatuma tungaanut allannguutissatut siunnersuummut nr. 45-mut isummernissani ataatsimiititaliap pingajussaaneerinninnissamut kinguartippaa. (Allannguutissatut siunnersuut nr. 45).

Allannguutissatut siunnersuummut Aningaasaqarnermut Ataatsimiititaliaq ilassutitut oqaaseqaatissaqanngilaq.

Allannguutissatut siunnersuummut nr. 45-mut isummernissani Aningaasaqarnermut Ataatsimiititaliap aningaasanut inatsisissatut siunnersuutip pingajussaaneerneqarnissaanut **kinguartippaa**.

4.4. Sammisag 4 – Aningaasartuutaanerusut

Qulequttami tassani allannguutissatut siunnersuutinik 3-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2020-imi 4,71 mio. kr.-inik aammalu 2021-mi 8,3 mio. kr.-inik kiisalu 2022-mi 2023-milu 10,2 mio. kr.-inik ajorseriaataassapput.

Sammisag 4: Aningaasartuutaanerusut. Sammisami allannguutissatut siunnersuutit ilinniar-titaanermi suliaasaqarfimmut tunngasut pingasut saqqummiunneqarput. Allannguutissatut siunnersuutikkut Peqqissaanermik Ilinniarfimmi atuaqatigiiaat nutaat aallartinneqarnissaannut aningaasaliivigineqarnissaq qinnuteqaatigineqarpoq. Atuaqatigiiaat nutaat ilinniakkamut qinnuteqartut amerliartornerat tunngavigalugu qinnutigineqarpoq.

Taamattaq Niuernermik Ilinniarfimmi Økonomi og Ressourcestyring (BA ØR), kiisalu International Handel og Markedsføring (BA IHM) ilinniartitaanerit ulloq 1. februar 2020-mi aallartinneqarnissaannut aningaasaliinissaq qinnutigineqarpoq. Ilinniakkat nutaat marluk ingerlanneqarnissaannut aningaasartuutit 2020-mi 2,0 mio. kr.-t, 2021-mi 4,2 mio. kr.-t 2022-milu ilinniartitaanerit tamakkiisumik atuutilerfissaanni 5,2 mio. kr.-ussapput. Taakkununga aningaasaliissutit konto pingaarneq 40.91.31 Suliniutit allaavigalugit tapiissutit aningaasaliis-sutigineqassapput, tamannalu aamma Peqqissaanermik Ilinniarfimmi atuaqatigiiaanut nutaanut aningaasaliinissamut atuuppoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 4-p ataani allannguutissatut siunnersuutit nr. 46-mit 48-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

4.5. Sammisag 5 – Pisariillisaaneq suliniut, ERP

Qulequttami tassani allannguutissatut siunnersuutinik 2-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2020-imi 7 mio. kr.-inik ajorseriaa-taassapput ukiunilu IST-mut sunniuteqassanatik.

Sammisag 5: Pisariillisaanermik suliniut, ERP. Allannguutissatut siunnersuutit marluk 2020-mi IST-p inernissaanut ataatsimut 7 mio. kr.-nik ajornerulersitsisussat saqqummiunneqarput. Allannguutissatut siunnersuutitigut kommunini Namminersorlutillu Oqartussani pisortat ataatsimoorlutik aningaasaqarnikkut atortorissaarutaata nutaap inaarsarneqarnissaanut aningaasartuutaanerusussatut ilimagineqartunut 2020-mi 14 mio. kr.-nik aningaasaliisoqarnissaa qinnutigineqarpoq.

ERP-mik suliniut ukiuni arlalinni misissueqqissaarnertigut suliariumannittussarsiuussinermillu piareersaasiornikkut ingerlanneqarpoq. Kingorna suliariumannittussarsereernerup kingorna 2016-imi suliamik ingerlatsisussamik isumaqatigiissusiortoqarpoq.

Kingorna suliaq annertunngitsumik piffissalerlugu ingerlanneqarpoq. ERP-milli atortorissaarutip Kommuneqarfik Sermersuumi, siulliulluni ulloq 1. januar 2018-imi atortorissaarummik atuilersumi, atulersinneqarnerani ajornakusoortoqarneratigut piffissaliusaaq arlaleriarluni allanngortinneqartariaqartarpoq. Tamannalu tunuliaqutaralugu ERP-mik atortorissaarutip kommunit sinnerini Namminersorlutillu Oqartussani atulersinneqarnissaa pisariaqarsimavoq. Taamattaq Akileraartarnermut Aqutsisoqarfiup atortorissaarummik atuisinnaaneranut piumasarisaaq, ERP-mik suliariumannittussarsiuussinermi naatsorsuutigineqartumit pisariunerusoq paasineqarpoq.

Pissutsit siuliani taaneqartut suliniutip 2020 naatinnagu naammassineqarnissaata naatsorsuutigineqarsinnaanera aatsaat pisinnaanera kinguneraa. Aningasaartuutaanerusut 14 mio. kr.-usut affaasa konto pingaarneq 20.05.20 Kommuninut Ataatsimoortumik tapiissutit appartinnerisigut kommuninit aningaasalersorneqassaaq.

ERP-mik suliniut ukiuni arlaqartuni maanna ingerlanneqarsimalereerpoq, taamaattumillu apeqquseqqajaanarsivoq suliniut naammassineqarumaarnersoq imaluunniit qaqugorsuarmut ingerlassanersoq. Suliniutip tamatuma pisariusup pisariaqartullu naammassinissaa siuarsaqullugu Naalakkersuisut ataatsimiititaliamit kaammattorneqarput.

Siunnersiuinermi ataatsimiititaliap oqaatigalugu malitsitut apeqqutaanut allakkatigut akissutinik kingusinnerusukkut nassiussinissaaq Naalakkersuisunit kissaatigineqarpoq. Tamatuma tungaanut allannguutissatut siunnersuutinut nr. 49-mut aamma 50-imut isummernissani ataatsimiititaliap pingajussaaneerinninnissamut kinguartippaa. (Allannguutissatut siunnersuut nr. 49 aamma 50).

Allannguutissatut siunnersuutit ataasiakkaat sinnerinut Aningaasaqarnermut Ataatsimiititaliaq ilassutitut oqaaseqaatissaqanngilaq.

Allannguutissatut siunnersuutinut nr. 49-mut aamma 50-imut isummernissani Aningaasaqarnermut Ataatsimiititaliap aningaasanut inatsisissatut siunnersuutip pingajussaaneer- neqarnissaanut **kinguartippaa**.

5. Oqaasertaliussanut allannguutissatut siunnersuutit

5.1 Naalackersuisut oqaasertaliussanut allannguutissatut siunnersuutaat

Oqaasertaliussanut allannguutissatut siunnersuutinin katillugit 12-nik Naalackersuisut siunnersuuteqarput.

Taakkunanga oqaasertaliussat filmiliortartut akileraarutitut akiliutiminnik utertitsisinnanerannut periarfissiineq taaneqarsinnaavoq, taamaaliornikkullu filmiliornermi Kalaallit Nunaannik pilerilersitsineq ajornannginnerulissaaq. Tamatuma saniatigut konto pingaarnermi 40.91.31 Suliniutit allaavigalugit tapiissutit, sammisaq 4-mi aningaasartuutaanerusuni nassuiarneqareersumi Niuernermi Ilinniarfimmi ilinniarfintut nutaanut marlunnut tapiissutit ilanngunneqarput.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 51-imit 62-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq.**



Hermann Berthelsen



Peter Olsen



Malene V. Rasmussen



Karl Kristian Kruse



Múte Bourup Egede



Henrik Fleischer



Jens Napaattoq